

Aen Gietdingh Cunghgung Cunghyangh Gvendaengz Caiq Cienzmienh Gyalaeg Gaijgwz Doihaeuj Gij Yendaiva Yiengh Cungguk

(2024 nienz 7 nyied 18 hauh Cunghgoz Gungcanjdangj Gaiq Ngeihcib
Cunghyangh Veijyenzei Baez Hoih Daengxcungq Daihsam doenggvaq)

Vihliux doekguh gij canloz baijbouh Ngeihcib Daih aen Dangj guh'ok, Gaiq Ngeihcib Cunghyangh Veijyenzei Baez Hoih Daengxcungq Daihsam munaemj le gij vwndiz caiq cienzmienh gyalag gaijgwz, doihaeuj gij yendaiva yiengh Cungguk, guh'ok doengh gij gietdingh lajneix.

It, Caiq Cienzmienh Gyalaeg Gaijgwz, Doihaeuj Gij Yendaiva Yiengh Cungguk Miz Maz Yiyi Hungnaek Caeuq Cungjdaej Iugouz Guhdaengz Yienghlawz

(1) Caiq cienzmienh gyalag gaijgwz baenzlawz youqgaenj caeuq vih maz aeu guh. Gaijgwz hailangh dwg aen fapbauj youqgaenj hawj saehnieb Dangj caeuq yinzminz yamq hung gyaep hwnj seizdaih. Baez Sam Cungh Cienzhohi Gaiq Cib'it aen Dangj dwg baez hoih hai ok seizdaih moq, guk raeuz daj neix byaij haeuj aen seizgeiz moq gaijgwz hailangh caeuq hwnqguh sevei cuji yendaiva. Baez Sam Cungh Cienzhohi Gaiq Cibbet aen Dangj hix hai ok seizdaih moq, guk raeuz daj neix byaij hwnj diuz roen moq cienzmienh gyalag gaijgwz, daengxbuengz ndaveh doihaeuj gaijgwz, hawj gaijgwz hailangh guk raeuz haiok le aen yiengh moqsak.

Aen Dangjcunghyangh aeu Siz Ginbingz dungzci guh goek haenx doxgiet daiqlingx daengx Dangj daengx ginh daengx guk gak cuz yinzminz, yungh yiengh gag rox doi lizij baenaj, yiengh cwngei damjceiq hungmbwk gamj guh, yiengh cwzyin gamj dawz rapnaek, cungbyoengq gij cughaed swhsiengj gvanhnen, cungbyoengq gij gazgit leih'ik dinghmaenh, gamj soemx haeuj giz raemx laeg, gamj gaet ndaek ndok genq, gamj dangh gvaq dieg raiq yiemj, nyenghdingh buqcawz yiengh yaez yiengh rwix ndaw gak aen dijci gihci, guhbaenz hawj gaijgwz daj guh saek giz saek yiengh damqra, mboengqbyuk cung okbae daengz hidungj comzbaenz, cienzmienh gyalag, aen gvaengxgyaq cidu dwk giek gak aen lingjiz daihdae laebbaenz, haujlai lingjiz ndaej daj goek bengwz, daj gwnz daengz laj dauq nda, baenz aen bae dauq laeb, cungjdaej guhbaenz gij hongsaeh gaijgwz Baez Sam Cungh Cienzhohi Gaiq Cibbet aen Dangj doekdingh haenx, guhbaenz aen moegbiu daengz aen Dangj laebbaenz 100 hopbi seiz gak fuengmienh cidu engqgya cingzsug engqgya dinghyiengh aeundaer cingzcik yienhda, daj gwnz cidu mizrengz baujcaeng cienzmienh hwnqbaenz aen biengz siujgangh, guhdaengz aen moegbiu buekguh aen bak bi daih'it aen Dangj, doinyoengx guk raeuz byaij hwnj diuz roen moq bae cienzmienh hwnqguh aen gukgya

sevei cuji yendaiva.

Seizneix caeuq baezlaeng mboengq ndeu, dwg mboengq ceiq youqgaenj aeu yendaiva yiengh Cungguk bae cienzmienh doihaeuj gij saehnieb hungmbwk hwnqguh gukak, fukhwng minzcuz. Gij yendaiva yiengh Cungguk, dwg youq ndaw gaijgwz hailangh mboujduenh guh doxbae, ngoenzlaeng hix itdingh youq ndaw gaijgwz hailangh hai ok roennaj gvangqlangh. Najdoi q gij hingzseiq lai yiengh labluenh ndaw guk rog guk, najdoi q lwnz moq gohgi gwzming caeuq canjnieb bengwz, najdoi q gij maqmuengh moq yinzminz ginzung, itdingh aeu laebdaeb doi gaijgwz guh baenaj. Neix dwg gaemmaenh caeuq caezcienz aen cidu sevei cuji miz gij daegsaek Cungguk, gyavai q guh aen dijhi ceihleix caeuq gij naengzlig ceihleix gukgya hab yienhdaih aeuyungh bietdingh aeu baenzneix guh, dwg doekguh yiengh leixniemh hwnghat moq, engq ndei hab'wngq gij sevei cujau mauzdun bienqvaq guk raeuz bietdingh aeu baenzneix guh, dwg gaemmaenh aeu yinzminz guh goek, hawj gij cwngzgoj oklaeng yendaiva gensez engq lai engq goengbingz ndei doh daengxcungq yinzminz bietdingh aeu baenzneix guh, dwg aeu wngqdoi q yiemj hung saeh haenq, doinyoengx aen saehnieb Dangj caeuq gukgya byaij onj bae gyaeb bietdingh aeu baenzneix guh, dwg doinyoengx cauhaeb aen minghyinh caezcaemh vunz lajmbwn, youq bak bi boekbien q gyavai q yienjbien q ndawde ndaej gaem canloz youq ndaw fwngz raeuz bietdingh aeu baenzneix guh, dwg doihaeuj gaiq hong hungnaek moq guhhung guh'ak aen Dangj seizdaih moq, dajcauh aen cwngdangj Majgwzsw h Cuji engqgya mizrengz bietdingh aeu baenzneix guh. Gaijgwz caenh miz guh roengzbae, mbouj miz mwh guh sat. Daengx Dangj itdingh aeu gagrox baij gaijgwz youq giz engq youqgaenj, gaenjaenj hopheux gaiq hong doihaeuj gij yendaiva yiengh Cungguk caiq bae cienzmienh gyalag gaijgwz.

(2) Caiq cienzmienh gyalag gaijgwz aeu maz swhsiengj cijdauj. Aeu dawzmaenh Majgwzsw h Lezningz Cuji, Mauz Cwzdungh Swhsiengj, Dwng Siujbingz Lijlun, "Sam Aen Daiyauj" Cungyau Swhsiengj, Gohyoz Fazcanjgvanh, cienzmienh dawzdingh Aen Swhsiengj Sevei Cuji Miz Gij Daegsaek Cungguk Seizdaih Moq Siz Ginbingz, haeujlaeg hagsib dawzdingh baenzroix swhsiengj moq, gvanhdenj moq, lwnhduenh moq Siz Ginbingz cungsuhi gangj cienzmienh gyalag gaijgwz, youh caez youh cinj cienzmienh doekguh yiengh leixniemh hwnghat moq, dawzmaenh aen diuhgoek guhhong youq ndaw onjmaenh gouz baenaj, seizseiz gaijfang swhsiengj, ciuq saedsaeh guh, riengz seiz baenaj, gouz caen guh saed, caiq bae langhcuengq

caeuq guhhoengh gij swngchcanjliz ndawbiengz, gikfat caeuq dem'ak gij rengzhoengh ndawbiengz, daengxbuengz suenqveh ndaw guk rog guk song aen daihbuenz, daengxbuengz suenqveh doihaeuj aen cungjdaej baijbouh "haj yiengh gap baenz aen", dox boiqhab bae doihaeuj aen canloz baijbouh "seiq aen cienzmienh", aeu ginghci dijci gaijgwz daej yienyinx, aeu coihaeuj ndawbiengz goengbingz cingqngeih, gyalai fukheiq hawj yinzminz guh giz hwnjdin caeuq giz roengzdin, engqgya yawjnaek hidungj comzbaenz, engqgya yawjnaek lai haeujrengz giz youqgaenj, engqgya yawjnaek gaijgwz raen ndei raen baenz, doinyoengx swngchcanj gvanhhi caeuq swngchcanjliz, sangcwngz gencuz caeuq ginghci giekdae, gukgya ceihleix caeuq aenbiengz hwnghat engq ndei doxhab doxngamj, aeu rengz hung caeuq aeu cidu coengh guh gaiq hong yendaiva yiengh Cungguk.

(3) Caiq cienzmienh gyalag gaijgwz aeu guhdaengz yiengh cungmoegbiu lawz. Laebdaeb caezcienz caeuq hwnghat aen cidu sevei cuji miz gij daegsaek Cungguk, doihaeuj aen dijhi ceihleix caeuq gij naengzlig ceihleix gukgya hab yienhdaih aeuyungh. Daengz 2035 nienz, cienzmienh guhbaenz aen dijci yiengh hawciengz ginghci sevei cuji suiyingz sang, aen cidu sevei cuji miz gij daegsaek Cungguk engqgya caezcienz, daihdae guhbaenz aen dijhi ceihleix caeuq gij naengzlig ceihleix gukgya hab yienhdaih aeuyungh, daihdae guhbaenz sevei cuji yendaiva, vih daengz duenhgyang aen sigij neix ndaej cienzmienh hwnqbaenz aen gukak sevei cuji yendaiva dwk roengz giekdae maenhsaed.

—Comzrengz bae cauhaeb aen dijci yiengh hawciengz ginghci sevei cuji suiyingz sang, cungfaen langh gij rengz youz hawciengz daej dingh boiqceiq swhyenz, engq ndei langh rengz cwnghfuj, gaemmaenh caeuq caezcienz aen gihbwnj ginghci cidu sevei cuji, doihaeuj gij gohgi suiyingz sang gag laeb gag ak, doihaeuj gij doi q rog hailangh suiyingz sang, guhbaenz aen dijhi ginghci yendaiva, gyavai q cauhaeb yiengh gvaengxgaq hwnghat moq, doinyoengx hwnghat haeuj ndei haeuj ak.

—Comzrengz bae guh yiengh yinzminz minzcuj ronzoeng goekbyai, gaemmaenh aen Dangj lingjdaej, yinzminz danggya guhcawj, ciuqfap guenj guk ndeindei dungjiz, doinyoengx aen cidu yinzminz danggya guhcawj engqgya caezcienz, minzcuj doxyaeng gvangqlangh lai caengz baenz cidu bae guh, aen dijhi fapceih yiengh sevei cuji miz gij daegsaek Cungguk engqgya caezcienz, hwnqguh aen gukgya fapceih sevei cuji hwnj mbaek engq sang.

(cienj banj 7)